

chaorach, e féin agus a charaid Hirah an t-Adulamach, gu Timnat.

13 Agus dh'innseadh do Thamar, ag ràdh, Feuch, *tha* t'athair-céile a' dol suas gu Timnat a lomaire a chaorach.

14 Agus chuir i a culaidh-bantraich dhith, agus chòmhdaich si i féin le gnùis-bhrat, agus phaisg si i féin, agus shuidh i ann an ionad follaiseach a ta làimh ris an t-slighe gu Timnat: oir chunnaic i gu'n d'fhàs Selah suas, agus nach d'thugadh i dha mar mhnaoi.

15 'Nuair a chunnaic Iudah i, shaoil e gu'm bu strìopach i, a chionn gu'n do chòmhdaich i h-eudan.

16 Agus thionndaidh e d'a h-ionnfuidh air an t-slighe, agus thubhairt e, Leig leam, guidheam ort, teachd a steach a't' ionnfuidh; oir cha robh fhios aige gu'm b'i bean a mhic i: agus thubhairt i, Cìod a bheir thu dhomh a chum as gu'n d'thig thu steach a'm' ionnfuidh?

17 Agus thubhairt e san, Cuiridh mi meann<sup>a</sup> a't' ionnfuidh o'n treud: agus thubhairt i se, An d'thoir thu geall domh gus an cuir thu m' ionnfuidh e?

18 Agus thubhairt e, Cìod an geall a bheir mi dhuit? Agus thubhairt i se, Do sheula agus do lamh-fhailean, agus do lorg a ta ann ad làimh: agus thug e dh'i iad, agus chaidh e steach d'a h-ionnfuidh, agus rinneadh i torrach leis.

19 Agus dh'éirich i, agus dh'fhalbh i roimpe, agus chuir i seachad a gnùis-bhrat uaithe<sup>b</sup>, agus chuir i a culaidh-bantraich airre.

<sup>a</sup> meann do na gabhraibh. Eabh.

20 Agus chuir Iudah am meann le làimh a charaid an Adulamaich, chum as gu'm faigheadh e 'n geall o làimh na mna: ach cha d'fhuair e i.

21 'An sin dh'fheòraich e do dhaoineibh an àite sin, ag ràdh, C'ait' am bheil an strìopach a bha gu follaiseach re taobh na slighe? Agus thubhairt iad san, Cha robh strìopach sam bith 'an fo.

22 Agus phill e dh'ionnfuidh Iudaih, agus thubhairt e, Cha d'fhuair mi i: agus mar an ceudna thubhairt daoine an àite, Cha robh strìopach sam bith 'an fo.

23 Agus thubhairt Iudah, Gabhadh i dh'i féin e, an t-eagal gu mallaichear sinn: feuch, chuir mi am meann fo d'a h-ionnfuidh, agus cha d'fhuair thu i.

24 Agus beul re tri mìosa 'n déigh sin, dh'innseadh do Iudah, ag ràdh, Rinn Tamar bean do mhic strìopachas; agus feuch cuideachd, *tha* i torrach le strìopachas. Agus thubhairt Iudah, Thugaibh a mach i, agus loisgear i.

25 'Nuair a thugadh a mach i, chuir i fìos a dh'ionnfuidh a h-athar-céile, ag ràdh, Aig an fhear d'am buin iad sin *tha* mise lethtromach: agus thubhairt i, Faic, guidheam ort, cia leis an feula, agus na lamh-fhailean, agus an lorg fo.

26 Agus ghabh Iudah riu, agus thubhairt e, Bha i ni bu cheirte na mise, a chionn nach d'thug mi i do Shelah mo mhac: agus cha robh aithne aige oirre ni's mò.

27 Agus 'nuair a bha i re faothair

<sup>b</sup> uaipe, uaipe.

<sup>c</sup> an ròid.